

БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ



ПРЕДСТАВНИЧКИ ДОМ

Уставноправна комисија

BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE

PREDSTAVNIČKI DOM/ZASTUPNIČKI DOM

Ustavnopravna komisija

Ustavnopravno povjerenstvo

Broj: 01/1-50- 3-1-34/25  
Veza broj: 01-02-1-1198/25  
Sarajevo, 11. 6. 2025.

|                        |                       |               |
|------------------------|-----------------------|---------------|
| PRIMLJENO: 11-06-2025  |                       |               |
| Organizaciona jedinica | Klasifikaciona oznaka | Kreditni broj |
|                        |                       |               |

**PREDSJEDAVAJUĆEM PREDSTAVNIČKOG DOMA**

Na osnovu čl. od 118. do 122, a u vezi s članom 132. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 87/23, 50/24 i 73/24), Ustavnopravna komisija Predstavničkog doma Parlamentarne skupštine BiH podnosi sljedeći

**I Z V J E Š T A J**

**o Prijedlogu zakona o dopunama Krivičnog zakona Bosne i Hercegovine**

Predstavnički dom Parlamentarne skupštine BiH je na 25. hitnoj sjednici, održanoj 28. 5. 2025, usvojio, u prvom čitanju, Prijedlog zakona o dopunama Krivičnog zakona Bosne i Hercegovine, broj: 01-02-1-1198/25 od 22. 5. 2025, čiji su predlagači poslanici: Saša Magazinović, Mira Pekić, Nihad Omerović, Sabina Ćudić i Jasmin Emrić, a koji se razmatra po skraćenom zakonodavnom postupku.

Ustavnopravna komisija je na 34. sjednici, održanoj 11. 6. 2025, razmatrala Prijedlog zakona o dopunama Krivičnog zakona Bosne i Hercegovine, u drugoj fazi, pred nadležnom komisijom.

Na tekst Prijedloga zakona amandmane su podnijeli poslanici Šerif Špago i Albin Muslić.

Tokom rasprave poslanik Šerif Špago odustao je od predloženih amandmana.

Nakon rasprave, Komisija je jednoglasno usvojila Amandman I. poslanika Albina Muslića koji glasi:

**Amandman I.**

U članu 1. Prijedloga zakona o dopuni Krivičnog zakona Bosne i Hercegovine, kojim se dodaje član 229a, stav (5) mijenja se i glasi:

„(5) Pravnom licu može se izreći mjera sigurnosti zabrana vršenja određene djelatnosti u trajanju od šest mjeseci do pet godina.“

Komisija je jednoglasno usvojila Amandman II. poslanika Albina Muslića koji glasi:

**Amandman II.**

U članu 1. Prijedloga zakona o dopuni Krivičnog zakona Bosne i Hercegovine, kojim se dodaje član 229b, stav (7) mijenja se i glasi:

„(7) Za krivično djelo iz st. (1), (2), (3) i (4) ovog člana može se izreći mjera sigurnosti zabrana vršenja određenog poziva, djelatnosti ili dužnosti u trajanju koje ne može biti kraće od jedne godine ni duže od deset godina.“

Komisija je jednoglasno usvojila Amandman III. poslanika Albina Muslića koji glasi:

### **Amandman III.**

U članu 1. Prijedloga zakona o dopuni Krivičnog zakona Bosne i Hercegovine postojeći naziv i tekst novog člana 229c. mijenja se i glasi:

**„Kršenje zakona od strane direktora i službenika Agencije za javne nabavke Bosne i Hercegovine i člana i službenika Ureda za razmatranje žalbi Bosne i Hercegovine**

### **Član 229c.**

Direktor i službenik Agencije za javne nabavke Bosne i Hercegovine i član i službenik Ureda za razmatranje žalbi Bosne i Hercegovine koji, s ciljem da drugom pribavi kakvu korist ili da mu nanese kakvu štetu, donese nezakonitu odluku ili na drugi način prekrši zakon u vršenju svoje funkcije kaznit će se kaznom zatvora od šest mjeseci do pet godina.“

Komisija je jednoglasno:

- usvojila Prijedlog zakona o dopunama Krivičnog zakona Bosne i Hercegovine sa usvojenim amandmanima i predlaže Predstavničkom domu njegovo usvajanje.



**PREDSJEDAVAJUĆI KOMISIJE**

Albin Muslić

### **Dostaviti:**

- Kolegiju Predstavničkog doma
- a/a